



SAKSPAPIR

Saksnr	Utval	Type	Dato
61/2020	Formannskap/plan- og økonomiutvalet	PS	12.10.2020

Sakshandsamar	Arkiv	ArkivsakID
Lin Tove Thomassen		19/1344

FORSKRIFT OM FOLKEVALDE SIN RETT TIL GODTGJERSLE OG VELFERDSGODER I VAKSDAL KOMMUNE, VESTLAND FYLKESKOMMUNE - TIL HØYRING

Vedlegg:

Forskrift etter møte i Ombudsutvalet 01.10.20

FORSKRIFT OM FOLKEVALDE SIN RETT TIL GODTGJERSLE OG VELFERDSGODER I VAKSDAL KOMMUNE, VESTLAND FYLKESKOMMUNE - TIL HØYRING

Reglement for godtgjering til folkevalde pr 250618 (L)(128003)

Grunnlag for samanlikning av ulike satsar i ulike kommunar

Rådmannen sitt framlegg til vedtak:

Vedlagde «Forskrift om folkevalde sin rett til godtgjersle og velferdsgoder i Vaksdal kommune, Vestland fylkeskommune» vert lagt ut på høyring.

Tilleggsforslag frå Høyre foreslått av Erlend Hesjedal- Johannessen.

I §4 3.ledd skal det gjerast klart i forskrifta kven som kan få dekkja ulegitimert tap av arbeidsinntekt på lik linje med Vestland fylkeskommune sin definisjon av saka:

“Vederlag kan gjevast til arbeidstakarar, sjølvstendig næringsdrivande og personar utan arbeidsinntekt dersom dei må forsøme sine ordinære gjeremål for å ivareta tillitsvervet, t.d. heimeverande, studentar og pensjonistar.”

Formannskap/plan- og økonomiutvalet - Sak 61/2020

FPØ - Behandling:

Erlend Hesjedal- Johannessen, H la fram følgjande tilleggsforslag:

I §4 3.ledd skal det gjerast klart i forskrifta kven som kan få dekkja ulegitimitert tap av arbeidsinntekt på lik linje med Vestland fylkeskommune sin definisjon av saka:

“Vederlag kan gjevast til arbeidstakarar, sjølvstendig næringsdrivande og personar utan arbeidsinntekt dersom dei må forsøme sine ordinære gjeremål for å ivareta tillitsvervet, t.d. heimeverande, studentar og pensjonistar.”

Rådmannen sitt framlegg til vedtak vart samrøystes vedteke.

Erlend Hesjedal- Johannessen, H sitt framlegg til vedtak vart samrøystes vedteke.

FPØ - Tilråding/Vedtak:

Vedlagde «Forskrift om folkevalde sin rett til godtgjersle og velferdsgoder i Vaksdal kommune, Vestland Fylkeskommune» vert lagt ut på høyring.

I §4 3.ledd skal det gjerast klart i forskrifta kven som kan få dekkja ulegitimitert tap av arbeidsinntekt på lik linje med Vestland fylkeskommune sin definisjon av saka:

“Vederlag kan gjevast til arbeidstakarar, sjølvstendig næringsdrivande og personar utan arbeidsinntekt dersom dei må forsøme sine ordinære gjeremål for å ivareta tillitsvervet, t.d. heimeverande, studentar og pensjonistar.”

Saksopplysningar:

Ny kommunelov slår fast at tidlegare fastsette reglar for dekking av utgifter, økonomisk tap og arbeidsgodtgjersle etter kommunelova av §§41 og 42 skal gjevast som ei forskrift. Jamfør forvaltingslova §37 skal kommunestyret påsjå at saka er så godt opplyst som mogleg gjennom ein høyringsperiode.

«Forvaltningsorganet skal som hovedregel sende forslaget til berørte virksomheter og organisasjoner for uttalelse før forskriften blir utferdiget, endret eller opphevet. Dette kalles høring eller forhåndsvarsel. Hensikten med høringen er å gi de virksomhetene og organisasjonene som vil bli berørt, en mulighet til å fremme sine synspunkter. Der det er nødvendig for å opplyse saken, skal forslaget også sendes til andre.»

Plan for utarbeiding av forskrift om godtgjering til folkevalde	Dato:
Gjennomgang grunnlag for lokal forskrift i Ombudsutvalet	16. sept.
Ombudsutvalet handsamar rådmannen sitt forslag til lokal forskrift.	1.okt.

Formannskapet vedtek å legge ut forslag om lokal forskrift på høyring	12.okt
Høyringsperiode. Forslaget vert kunngjort på kommunen si nettside i avisa og sendt til høyring hjå Eldreråd, Ungdomsråd, RMNF, Administrasjonsutvalet, Levekårsutval og Bygdeutviklingsutvalet i kommunen.	15. okt. – 1 .des.
Ombudsutvalet behandlar høyringssvar og utkast til forskrift	8. des.
Formannskapet gjev si innstilling i saka	2021
Kommunestyret vedtek lokal forskrift	2021

Utgangspunktet for forskrifta er gjeldande «Reglement for godtgjersle til folkevalde» sist oppdatert av kommunestyret 26.06.2018. Forskrifta skal utformast ut frå fastsette reglar, på ein slik måte at det kjem fram det som er nødvendig å kjenne til for å fremja rettar og krav.

Ombudsutvalet behandla behandla saka i møte 1.10.20, sak 13/2020 og gjorde endringar i utkast til forskrift. Forskrift med endringar, samt saksdokument frå møtet ligg vedlagd.

Rådmannen ber Formannskap/ plan- og økonomiutval om å leggja vedlagde forskrift ut til høyring frå 15. oktober til 1. desember.